

TESALONIKADEENŃ TAKADA KAAKU

TesalonikadeenŃ zé'òdòannena

¹ Mamoma Pòlu kòn Silasio kòn Timotio, wámbe wa takada kèkii kè Tesalonika sòsi gbè kè aŏ kú De Luda kòn Dii Yesu Kirisio guunone. Luda gbèkèkè keare, à a gba aafia. ² Wa aduakena guu a yā ègŏ dŏwagu gurŏ píngi, weègŏ Luda sáabu kpaa a píngi yā musu. ³ Lán èe zīi kèe a ludanaanekena nà, èe aīa kèe yenzi guu, bensŏ èe mēna kèe wéedona wa Dii Yesu Kirisizi yānzi, yā pìnŏ ègŏ dŏwagu Luda wa De aezī. ⁴ Wa gbè Luda yenzideenŏ, wá dŏ kè Luda a se, ⁵ zaake kè wa baaru nnaa kpàare, wée mó kòn yā'onao adoro, wa mŏ kòn Luda Nini gbāaaome, yā pì wa kūna gbāa maamaa. Á dŏ lán wá kú a té nà a aafia yānzi, ⁶ ben a gŏ wapinŏ kòn Diio dàdarinŏ ũ. Nawēa bíta guu a yā pì sī kòn pŏnnaa kè Luda Nini dàaguo, ⁷ ben a zé òdòa Yesudee kè aŏ kú Masedonia bùsu guunone kòn Girisi bùsuo píngi. ⁸ Dii yā bŏ a kiia, èe ze Masedonia kòn Kirisio adoro, a Yesu náanekena yā dàgula píngi, à baarukpana vī dŏro. ⁹ Wèe oo lán wa zé è a kiia nà, lán a kpèe lì tãanone, a ae dŏ Ludaa nà, ben ée dŏ Luda Wèndide yāpuradeezi, ¹⁰ ée à Né Yesu kè à à fèe bŏna gaan dāa ai à bŏ ludambe, à mó wa sí pŏfè kè Luda é bŏbŏmmaa.

2

Pòlu zīkena Tesalonika

¹ Ma gbẽno, á dõ a zĩndane, kè wa zé ena a kiia e ke pãro. ² Á dõ lán wà wée tàwa nà, wa nawẽa kè káaku zaa Filipi, ben Luda wa gba kùgbãaa, wa à baaru nnaa kpàare ɔsi kõn ɔsiio. ³ Wa nakõrenaawaa de ege zé yã ũro. Wée kee laasuu zaaa ke a takiikena yãnzinlo. ⁴ Lán Luda wa ka a baaru nna kpanaa nà, len weè kpánnε le, èe ke gbẽntee poyezin wée wetεero, sé Luda wa laasuu tàasikeri pó. ⁵ Á dõ kè wée yã nnannaa o gbẽkenεro, bensõ wée yãke ke kõn monafikio wákũ yãnziro. Ludan wa sèedadee ũ. ⁶ Wée sáabu wetε gbẽntee kiiaro, apinɔ ke gbẽ pãndenɔ. ⁷ Baa kè wá à zé vĩ wà gõare asoo ũ wa Kirisi zĩrike yãnzi, wá kèao busebuse, lán nɔgbẽ nédandee è làakari dɔ a néa nà. ⁸ Kè wá yeazi maamaa yãnzi, wée zεo wà baaru nnaa kè bò Luda kiia kpàare adoro, kõn wa zĩnda kpanaawaaome dɔ, zaake a gõ wa gbẽ yenzideenɔ ũ. ⁹ Ma gbẽno, à tó wa zĩkena kõn nawẽao yã dɔagu. Gurɔɔ kè wée baaru nnaa kè bò Luda kiia pì kpaare, weegõ zĩi kee fãantẽ kõn gwãavĩo, le wàton gõ a gbẽkene asoo ũro yãnzi. ¹⁰ Àmbe wa sèedadeenɔ ũ, kõn Ludao dɔ, kè wá kú amɔa kè a Yesu náane kènɔ té a zéa nòsepuradeenɔ ũ taari sai. ¹¹ Á dõ kè wa yã kè a baadene lán de è ke a nènɔne nà. ¹² Wa lé dàawa, wa a nòse kpàeare, wa nakõreawa, le a kuuna ke sɛnkpe kõn gbẽ kè Luda ní ká kpata gakuidee kè bò à kiiannɔ.

¹³ Kè a Luda yã kè wá òaree pì mà, ée die gbẽntee pó ũro, á sì lán à de nà, Luda yã yãpuraa ũ. Àmbe e zĩi kee amɔa kè ée à náane keenɔ guu. Bee yãnzi dɔ weegõ Luda sáabu kpaá yãana sai. ¹⁴ Wa gbẽno, a yã kè sɛnkpe kõn Luda gbẽ kè aɔɔ kú Kirisi Yesu

guu zaa Yudeano, zaake a būsudeeno wée tãawa se lán Yudano tãmma nà. ¹⁵ Yudano Dii Yesu dè kōn annabinŋ do, bensõ aõ pèwa. Aõ yã è ká Ludanero, aõ íbete kpà kōn gbě sãnda pínjio. ¹⁶ Aõ è kpáwe wà yã kè Luda è gbě mì sío o bori pãndenŋe. Len durun kè aõ ègõ kee gurŋ pínjio ègõ diiàle le. Luda pofě pìtãmma sa.

Timoti zĩna Tesalonika

¹⁷ Wa gbẽno, kè wa kěkõa gurŋ plaa, wée bé èe kō ero, mōde wa laasuu kúawa. Wa a bege kè maamaa, wa mē wã wà wée sikõle. ¹⁸ Wá yezi wà mŋ a gwa do. Mamoma Põlu ma mōna zé wète à de gèn do ke gèn plaaala, ben Setãn kpàwe. ¹⁹ Tó wa Dii Yesu mŋ, dé bé eégõ de wa tãmaa kōn wa ponnaao kōn wa gãsazubŋ ũ à ae a baasii? ²⁰ Zaake áambe wa gakui kōn wa ponnaao ũ.

3

¹ Kè wée fõ wà mena dõro, wa zeo wà gõ Ateni wa tẽe, ² wa wa gbẽndo Timoti, Luda zĩkeri daa Kirisi baarunnakpana guu zĩawa, le à a gba gbãaa, à a nòse kpáeare a ludanaanekena guu, ³ le a gběke làakari tón fee wéetãmma pì yãnzio. Á dõ a zĩndane kè Luda beee taka diewe. ⁴ Gurŋ kè wá kú a kiia, wa gĩake wá òare kè weé wée tãwa, ben à kè le lán á dõ nà. ⁵ Bee yãnzio kè mé fõ mà mena dõro, ma à zĩ à a ludanaanekena gwa. Ke Ibilisi a le à a gwa, wa zĩ kè pãn yoo, wá dõro.

⁶ Kè Timoti sù sa, à a ludanaanekena kōn a yenzio baaru kpàwe. À bè wa yã ègõ dõagu kōn laasuu maaao, bensõ ée wa bege kee lán wée a bege kee nà. ⁷ Ma gbẽno, a ludanaanekena yã bé à tò wa

làakari kpaena a yã musu wa wéētãmma kɔn wa nawēao guu píngi. ⁸ Zaake á zena gíngin Dii guu, tia wa ãampà sa. ⁹ Wé fɔ wà Luda sáabu kpá a yã musu. Wa wa Luda sáabu kpà maamaa kɔn pɔnna bíta kè weè ke à ae a yãnzio. ¹⁰ Gwãavĩ kɔn fãantēo weègɔ wée kee maamaa, le wà e wà wée sikɔle, wà pó kè kèsã a ludanaanekena guu papaare.

¹¹ Luda wa De kɔn wa Dii Yesuo zé bɔwe wà mó wà a gwa. ¹² Dii yenzi kè á vĩ kɔo kɔn baade píngio kaaraare, à dadaala lán yenzi kè wá vĩaò bà, ¹³ à a swè gba gbãaa le àgɔ kuu gbãsi sai taarisaideenɔ ũ Luda wa De ae wa Dii Yesu kɔn a gbēnɔ píngi mógurɔ zĩ.

4

Kuuna lán Ludaa yezi nà

¹ Yã kè gɔn yè, ma gbēnɔ, á mà wa lén lán à maa a kuuna ká Ludanɛ nà. Á kuuna de le kò, mode wée wée keɛawa, wée agbaa kpaare wa Dii Yesu guu, àgɔ kuu le àgɔ gaao. ² Á yã kè wá dàare kɔn Dii Yesu tó dɔ. ³ Ludaa yezi a kuuna gɔ adona, à mì kè pãpãkɛnaa. ⁴ A baade gɔ a zĩnda kũna dɔ kɔn bèeo gbãsi sai, ⁵ èe ke kɔn dà zaa nidɛnao lán kifii kè aɔo Luda dɔroonɔ bànlo. ⁶ Yã pì musu gbēke tón a gbēdaaa takii ke ke à taari kenɛro, zaake Dii é wée tã yã beee taka kèrinɔa lán wa gĩake wá òare nà, wa a swã gào. ⁷ Ludaa e wa sísi wàgɔ kú kɔn gbãsiɔro, séde wa kuuna gɔ adona. ⁸ Bee yãnzio gbē kè gí yãdannena kèzi, èe ke gbēnteen à gízio, Luda kè é a Ninii kè kú adona dawaguun à gízi.

⁹ Wé e wà yekɔzina yã oarero, zaake a zĩdane Luda yekɔzina dàare. ¹⁰ Á kuuna de le kò, á ye wa

gbē kè aõ kú Masedonia b̀usu guunɔzi ń píngi. Ma gbēnɔ, wa lé dàawa, àgõ keε le àgõ gaa, ¹¹ à zé wete àgõ kuu yāketē sai, à a zīnda yā ke à a zīnda zīi ke, lán wá diεare nà, ¹² le a kuuna e à ká bàazideenɔnε, le àton fu a zīndaa à da gbēkeziro.

Dii m̀na

¹³ Ma gbēnɔ, wá yezi àgõ yāpuraa dõ gbē kè aõ anduna t̀onɔ yā musu, le a pɔɔ t̀ongõ sia lán gbē kè aõ t̄amaa v̄iroonɔ bàro yānzi. ¹⁴ Zaake wá s̀i kè Yesu gà à f̄εε, len dɔ Luda é tó gbē kè aõ anduna t̀o Yesu guunɔ εara wà móo l̄edo.

¹⁵ Yā kè wée ooaree k̀eki né Dii yādannenname. Wamɔwa gbē kpaaa kè wégõ kuu ai Dii m̀ogurɔɔ zīnɔ, wé dɔ gbē kè aõ anduna t̀o p̀inɔne aεro. ¹⁶ Dii bé eé bɔ ludambε, à pita k̄on yādiennenaon k̄on malaika gbēnsi k̀otoo k̄on Luda kākāki óo, gbē kè aõ gà Kirisi guunɔ é f̄εε bɔna gaan káaku, ¹⁷ beee gbεra wamɔwa gbē kpaaa kè wá kuunɔ, weé wa séényo l̄edo ai ludambε luguun wà da Diile ĩa guu, gbasa wàgõ kúo ari gurɔ píngi. ¹⁸ Bee yānzi à k̄o làakari kpáε k̄on yā p̀io.

5

¹ Ma gbēnɔ, yā p̀i k̄ena ke à kegurɔɔ onaare zé v̄iro, ² zaake á dõ s̄ans̄an lán kp̄ai é mó gwāav̄i nà. Len eégõ dε le Dii m̀ogurɔɔ zī. ³ Tó gbēnɔ e bee, wá aafia, wá kú wa làakaria, kaatena é m̀óm̄ma k̄ando lán né'iwāwāa è mó ǹsindadeea nà, asé b̄oro. ⁴ Apinɔ s̄o wa gbēnɔ, á kú gusiaanlo, gurɔɔ p̀i é suawa lán kp̄ai bàro, ⁵ zaake gupura gbēnɔn a ũ, fáant̄ε gbēnɔn a ũ a píngi. Gwāav̄i ke gusia gbēnɔn wa ũro. ⁶ Beee yānzi w̄aton ii o lán danɔ bàro. Wà it̄ε ke wàgõ kú

wa làakaria. ⁷ I'orinŃ è ii o gwāāvĩ, wēderinŃ sŃ è wēdεε ke gwāāvĩ. ⁸ WapinŃ sŃ, zaake fáantē gbēnŃn wa ũ, wàgŃ kú kŃn làakario, wà ludanaanekena kŃn yenzio da mò uta ũ, wà mìsina tãmaa kú mòfura ũ. ⁹ Zaake Ludaa e wa die à pŃfē pitawaro. À wa die à wa mì sí wa Dii Yesu Kirisi gāzĩmε. ¹⁰ Àmbe à gà wa yānzi lε wàgŃ kúo, tó wá bēε ke wa anduna tòn yoo. ¹¹ Beee yānzi à lé dakŃa, à kŃ gba gbāaa, lán ée keε nà.

Pɔlu yādiεna TesalonikadeenŃnε

¹² Ma gbēnŃ, wa wēε kēawa, à bēε lí gbē kē aŃè zĩ ke a ténŃnε, kē aŃ iko vīawa Dii guu, aŃεe a daa zéanŃ. ¹³ À n gaku dŃnŃε maamaa yenzi guu zĩ kē aŃεe keε yānzi. ÀgŃ nna kŃo. ¹⁴ Ma gbēnŃ, wa lé dàawa, à faasaideenŃ da zéa, à gbē yĩinŃ gba swè, à làakari dŃ gbāasaideenŃa, à mena kŃn baade pínɡio. ¹⁵ À làakari ke, a gbēke tón à zaaa fīa bo kŃn à zaaaoro. À zé wete àgŃ à maaa keekŃnε kŃn gbē pínɡio guro pínɡi.

¹⁶ ÀgŃ kú pŃnnaa guu guro pínɡi. ¹⁷ ÀgŃ adua keε yāana sai. ¹⁸ ÀgŃ Luda sáabu kpaa yā pínɡi musu. Beee bé à deare à pŃyezi ũ Kirisi Yesu guu. ¹⁹ Àton Luda Nini té kē è kánɡu dedero, ²⁰ àton kya ká annabikεyānlo. ²¹ À yā pínɡi tàasi ke, àgŃ à maaa kŃna, ²² à mì kē zaakεna bori pínɡia.

²³ Luda Aafiade tó a kuuna gŃ kú adona yā sānda pínɡi guu, à a nini kŃn a wèndio kŃn a mèo dákpaare aafia taari sai ai wa Dii Yesu Kirisi móɡurŃŃ zĩ. ²⁴ Luda kē à a sisi à a se náanε vĩ, éé yā pì keare.

²⁵ Ma gbẽnɔ, à adua kewe. ²⁶ À ì kpá wa gbẽnɔa ń pínɡi kɔn Luda gbẽnɔ lépemmaɔ. ²⁷ Ma naare Diizi, à takada kè kyó ke wa gbẽnɔne ń pínɡi. ²⁸ Wa Dii Yesu Kirisi gbékεε kεare.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5